



In collaborazione con:



Fat di:



Finanziat di:

SCUELE DI AVOST

PAISAÇ AMBIENT E TERITORI



APLIS DI DAVÂR • 26, 27 e 28 di Avost dal 2019

Mai come chest an o sin contents di jessi a Apls di Davâr pe tierce edizion de Scuele di Avost! Ce che al è sucedût ca a la fin di Otubar dal an passât nus à fat nassi la esigjence di inviâ une riflession serie par comprendi alc di plui dal nestri teritori e dai cambiaments in vore. Al è nassût cussì il teme di chest an: **Paisaç ambient e teritori** par imparâ a lei ce che nus stâ ator di un pont di viste gjeografic, leterari, antropologjic, climatic e ancje par imparâ a cjalâlu midiant dal zûc, de tecnologjie, de esperience, des technichis teatrâls o artistichis, miscliçant cognossince e creativât intune ricete che e vûl alimentâ, come simpri, la cussience des oportunitâts infinidis dal insegnament dal furlan a scuele.

A son tantis lis personis che a metaran a disposizion la lôr professionalitât e a dutis al va il nestri ringraziament. Un biel jutori par cheste edizion nus ven de Universitât di Udin e dai siei docents presints ducj i dîs, ma in maniere particulâr martars ai 27 di Avost cu la gjestion di une zornade interie! Ocasions di no pierdi!

La Scuele di Avost e je un percors di formazion articolât e increditât daûr des Liniis Vuide MIUR 2016-19. E je vierte ai insegnants di ducj i ordins scolastics (dal asil nît aes scuclis superiôrs). La partecipazion e je libare e gratuite: si pues iscrivisi a dut il percors formatîf, dome a une zornade o dome a une o plui lezioni. I timbris te tessare personâl a atestaran lis oris fatis (cui che nol à ancjemò la tessare la varà in cheste ocasion domandante tal moment de iscrizion ai 26 di Avost).

Al è pussibil fermâsi e stâ te stesse strutture dulà che si ten il cors o in struturis dongje. La prenotazion e lis spesis par durmî e par mangjâ a son a caric di ognidun dai participants.

Si domande di segnâsi ae iniziative (specificant i laboratoris sielts) dentri di martars ai 20 di Avost midiant de schede di iscrizion disponibile tal sit www.scuelefurlane.it. La schede e va compilade in dutis lis sôs vôs e inviate ae direzion info@scuelefurlane.it, la iscrizion e je valide dome se us rivarà une rispueste di **conferme**, se no clamait il 0432.501598 (int.5).

La iniziative e previôt no plui di 100 iscrits.

Se cualchidun al è interessât a un servizi di centri estîf pai fîs che nus al domandi vie mail e nô o darin lis informazions par cjapâ contats direts.

Par vê plui informazions si pues clamâ li dal DocuScuele, des 9:00 aes 13:00 di lunis a vinars al 0432.501598 - int. 5 o scrivint une mail a info@scuelefurlane.it.

DOCUSCUELE

CENTRI REGIONÂL DI DOCUMENTAZION RICERCJE E SPERIMENTAZION DIDATICHE PE SCUELE FURLANE

li de Societât Filologjiche Furlane, vie Manin 18 - 33100 Udin

tel. 0432.501598 - int. 5 | info@scuelefurlane.it | www.scuelefurlane.it

SCUELE DI AVOST 2019

LUNIS AI 26 DI AVOST 2019

Lezions frontâls	9:30-10:30	Regjistrazion dai partecipants, salûts des autoritâts, presentazion Docuscuele			
	11:00-13:00	Alberto Bertolini , Universitât di Udin - La educazion ambientâl te scuele. Par une didattiche des siencis ecologjichis			
	13:00-14:00 polse pal gustâ				
Laboratoris	14:00-15:30	Gabriele Zanello , Universitât di Udin - Paisaçs nature e teritori te leterature furlane 1			
	15:30-18:30	LAB 1 <i>Paisaç nature e teritori</i> Il lavôr tai cjamps, il tai dai boscs, il sfalç: l'om e il paisaç tai cuadris dai plui impuartants artiscj furlans. Par imparâ a cjalâ la art cui voi dai fruts, vuidâts te leture di formis e colôrs, e par diventâ artiscj cu la costruzion di un libri tatil. Cun Morena Maresia de Sorintendence Archeologjie, Bielis Arts e Paisaç dal Friûl Vignesie Julie. Pes scuelis de infanzie, tacant dal asil nît, e pe prime classe de primarie	LAB 2 <i>Zuiâ par furlan</i> Cuasi ducj i pais dal Friûl a àn un flum o une roie che ju scjavace, flum o roie che a puartin la aghe da la nestre tiere fin al mâr. Cussi dentri da la "Scuele di Avost" si puartaran il costum, lis usancis, lis tradizions, i ricuarts, lis riflessions e i colôrs dal nestri jessi... FURLANS!!! Cun Dino Persello. Par ducj i ordins di scuele	LAB 3 <i>Cuant che l'ambient e la economie a lavin sot braç</i> Visite compagnade dal teritori tacant da la mostre permanente "Planelas e scugjelas" di Cele, lant indenant cu la "Cjase dai 100 barcons" di Mion par rivâ in Aplis e analizâ dut il complès cu la fornâs e la searie veneziane intune armonie plene fra ambiente, paisaç e teritori. Cun Alberto Burgos, autôr dal libri "Aplis. Una storia dell'economia alpina in Carnia". Par ducj i ordins di scuele	LAB 4 <i>Fare CLIL... par furlan</i> Laboratori pratic di planificazion di un modul CLIL sul teme de "Scuele di Avost" di chest an: "Paisaç ambient e teritori". Cun Ada Bier de Universitât Ca' Foscari di Vignesie e Cristina Di Gleria de Societât Filologjice Furlane. Chest laboratori al è valit tant che formazion di 3 oris in presince par ducj i insegnants che a àn fat il cors on line. Par ducj i ordins di scuele
	18:30-20:30 polse e cene				
	20:30-22:00	Ae ricercje dal paisaç interiôr pal benstâ dal cuarp e dal pinsîr fra danzis meditativis e zûcs. Cun Iris Papa (si consee di puartâ un materassin di gjinastiche e une cuviertute)			

MARTARS AI 27 DI AVOST 2019

Une zornade cul dipartiment di lenghis e leterture, comunicazion, formazion e societât (setôr dissiplinâr di gjeografaie) de Universitât di Udin...

La propueste gjeografiche te sô unitarietât e vûl svicinâ i docents ai diferents paisaçs che a caraterizin il complès e svariât teritori regionâl, furlan in particolâr. Si tache de convinzion che il paisaç culturâl al rapresente une impuartante oportunitât, plene di sugjestions, stimuli, contignûts, par l'aprendiment, e no dome pal apprendiment dai aspiets plui a strent gjeografics. Lis trê propuestis dai laboratoris dal dopodimisdi a vadin consideradis come espansions e aprofondiments, declinâts sul plan metodologjic-strumentâl, dai contignûts presentâts te lezion de matine.

Leziuns frontâls	9:30-11:00	Mauro Pascolini, Universitât di Udin - I paisaçs dal Friûl: des monts al mâr.			
	11:30-13:00	Mauro Pascolini, Universitât di Udin - I paisaçs dal Friûl: di chei fûr dal ordenari a chei di ogni di.			
	13:00-14:00 polse pal gustâ				
Laboratoris	14:00-15:30	Gabriele Zanello, Universitât di Udin - Paisaçs nature e teritori te leterature furlane 2			
	15:30-18:30	LAB 1 Une leture dai paisaçs furlans cul jutori de cartografie digjitâl cun Luca Cadez de Universitât di Udin <i>(se al è pussibil puartait il vuestri portatil cuntune clavute par internet o il vuestri tablet/Ipad).</i> Pes scuelis secundariis di prin e secont grât	LAB 2 La toponomastiche par interpretâ il profil paisagjistic dal Friûl cun Luigina Di Giusto de Universitât di Udin. Pes scuelis primariis e secundariis di prin grât	LAB 3 Proponi la leture dai paisaçs furlans midiant i struments iconografics e cartografics e, massime, midiant de esperience direte cun Andrea Guaran de Universitât di Udin. Pes scuelis de infanzie e pes primariis	
	18:30-20:30 polse e cene				
	20:30-22:00	Moment di confront e riflession cui docents			

MIERCUS AI 28 DI AVOST 2019

Leziuns frontâls	9:30-11:00	TAULE TARONDE SU LA OUTDOOR EDUCATION (par ducj i ordins di scuele) Scuele a cîl viert, Asîl tal bosc, Asîl dal mâr... cuant che la scuele e devente dutun cul teritori cun Danilo Casertano e Sabina Bello, mestris e socis fondadôrs de associazion Manes
	11:30-13:00	Lis esperiencis za inviadis tal nestri teritori: esemplis di stâi daûr! <i>Verzegnis</i> : il progjet "Liberi di essere" cu la progjetiste Elisa Vesnaver <i>Tumieç</i> : la associazion "Fruz di mont" cun Ilaria Schneider <i>Montenârs</i> : la scuele de infanzie cu la mestre Patrizia Candusso <i>Teôr</i> : la scuele dal fâ e dal zuiâ, la scuele de infanzie "Principessa Mafalda di Savoia", cun Danilo Casertano <i>Cividât</i> : la scuele de infanzie "La casa dei bambini" e la scuele primarie "La scuoletta" cu la mestre Sandra Hutter <i>Sedean</i> : la scuele de infanzie paritarie "Don A. Sbaiz"
	13:00-15:00 polse pal gustâ	
	15.00	Partence pe visite compagnade in lenghe furlane ae mostre " MAESTRI " di Dieç (ativitât extra: € 9,00 cuntun grup di almancul 20 personis)

UN LIBRUT IN DÌ... par presentâ la golaine "Ce che nus conte la Bibie" publicade di pôc par cure di Glesie Furlane. "Diu al cree il mont", "Jone" e "Il bon Samaritan" cu la conte di Hellmut Haug, lis ilustrazions di Kees de Kort e lis traduzions di Glesie Furlane.